

AKASHVANI AIZAWL

REGIONAL NEWS UNIT

GOVERNOR

Larsap Gen (Retd) VK Singh an Mizoramah HIV, ruihhlo hmansualna leh cancer natna hluar tak atanga midangte hruai that chu mitin mawhphurhna a ni a ti.

He thu hi vawiina Swasth Nari Sashakt Parivar Abhiyaan (SNSPA) Mizorama hawwna inkhawm Assembly Conference Hall a neihah sawiin, Larsap chuan Prime Minister Narendra Modi-a kaihhruai hnuaiah ram chhunga hriselna kawnga hmasawwna tur hrang hrangah hmalak a nih angin thingtlang khaw hrang hrangah te health & wellness centre, Primary health centre, community health centre, district hospital leh damdawi lama inenkawlina hrang hrangte neih a ni a ti a. Mizoram chuan HIV leh ruihhlo ngawlvei lamah harsatna a tawh mek bakah cancer natna pawh Mizoramah a hluar hle tih sawiin, heng harsatna atanga midangte hruai that chu mitin mawhphurhna a ni tih sawiin,Mizoram hrisel tak a awm theih nan mipuite thawhpuiah a sawm a ni.

Byte: Larsap Dr VK Singh

Swasth Nari Sashakt Parivar Abhiyaan hi Ministry of Health and Family Welfare (MoHFW) leh Ministry of Women and Child Development (MoWCD) hmalakna hnuaia India ram puma hmeichhia leh naupangte tana hriselna lama inenkawlina ti chak tura hmalakna a ni.



ADI KARMAYOGI

Sawrkar laipui hnuaia Ministry of Tribal Affairs hmalakna kal mek pakhat 'Adi Karmayogi Abhiyan' hnuaia District Process Lab chu vawiin khan Serchhip BDO Conference Hall-ah hawn a ni.

He hun hmanpuitu Serchhip Addl DC Pu Lalrinzuala chuan hawwna thu sawiin kum 2030 ah chuan India rama thingtlang khua leh Tribal mipuiten hmasawwna hmel thar an hmuh theihna turin Sawrkar laipui chuan 'Vision 2030' a duang a, chumi hlawhtlin nan he scheme 'Adi Karmayogi Abhiyan' pawh hi kalpui a ni, a ti. Sawrkar Laipui chuan he scheme hi a ngai pawimawh hle a, PM office atanga uluk taka vil (Monitor) reng a nih dawn thu a sawi bawk. Addl DC chuan Sawrkar hnathawkte chu mahni hamthatna tur dahtha a, mipui te tana thawktu tur an nih thu leh thupetu chauh nilo a, mipuite kaihruaitu tur Tribal Grassroot Leader tha chherchhuak turin a chah a. Block Level Master Trainer te chu Block leh Village a thawktu tak tak tur te an nih dawn avangin taima leh uluk taka training turin a fuih a ni.

District Process Lab-a tel te hi Serchhip leh E.Lungdar RD Block-a line department atangin mi 6 ve ve, an vaiin mi 12 an ni a. Riak lutin ni 3 chhung an training dawn a ni.



GST REFORMS

State Tax Commissioner Pu HK Lalhawngliana'n Sorkar laipuiin GST siamtha a, chhiah a tihhniam avangin vantlang mipui tan thil man a tlawm dawn a, sumdawngte pawh in hralh tha zawk tura ngaih an ni a ti.

Akashvani News zawhna chhangin, State Tax Commissioner Pu HK Lalhawngliana chuan GST siamthatna chu Prime Minister Narendra Modi-a'n Diwali puala ram mipuite hnena thilpek a hlan zulzuiin GST council hnuaia Group of Minister ten mipui nawlpuiin an hlawkpui theih tura an siam a ni a ti a, ngun taka an zirchian hnuaia thil man atanga chhiah an lak thin zaa 28 atangin zaa 18, zaa 18 atanga zaa 12, leh zaa 12 atanga zaa 5 ah te tihhniam a ni a ti a. Chhiah tihhniam a nih avang hian bungraw man a tlawm loh theih loh avangin vantlang mipuite tan thil man a tlawm dawn a, tunhmaa thil an lei ngam loh te an lei ngam phah tawh dawn a, sumdawngte pawh in hralh tha zawk tura ngaih an ni a ti bawk.

(BYTE)

Pu HK Lalhawngliana chuan sorkar laipuiin GST a siamthat chhan chu tax compliance a that zawk an rin vang a ni thei a ti a, hun rei lote chhung chu GST lakkhawm lamah Mizoram leh ram pum huapin tuar dawn mah se sorkar laipui chuan hei hi a huam a, rate rationalise a nih avanga an hloh tur te zangnadawmna chu state tin te a la pe leh mai turah a ngai tih a sawi.



litfest

Mizoram English Literary Society (MIELS) chuan LESDE leh Mizoram Youth Commission nen thawk hovin Lesde LitFest 2025 chu vawiin hian Pachhunga University College ah an hmang.

Lesde LitFest 2025 ah hian Aizawl chhunga a college hrang hrang zirlaite chu inelna hrang hrang- Recitation, Poetry writing, Short Story Writing and Beat Contest ah te an in el a. He hunah hian Book Cafe chuan lehkhabu chhawp chhuakin, thalai English a lehkhabu zia te lawmpuina an hlan a ni.

MIELS leh MYC tangkawp in a tum ber pakhat chu thalai tam zawkin lehkha chhiar an uar zual zel na tura hmalak a ni.



THINGDAWL RURAL HAAT

NABARD tanpuina sum hmanga sak Thingdawl Rural Haat (Road side Bazar) chu nimin khan Kolasib Bawrhsap Pu Robert C. Lalhmangaihan a hawng.

Kolasib Bawrhsap chuan thusawiin Rural Haat an hawn tak chu mipuiten an hman thiam chuan a hlutna nasa takin an tel thei dawn a ni a ti a. Sawrkar in hmasawna ruhrel a din thin te chuan an thil tum ang taka rah an chhuah theih nan mipuiten an chhawr tangkai a ngai a ni, a ti.

Bawrhsap chuan mipui tana Department hrang hrang leh agency ten khawtlang tan hmasawna ruhrel an pek te a hlut zia hria a, thlai tharlam te heng bazar ah tihral dan zawn a, he hmun hi a leitute leh hralh tu te tan hmun pawimawh tak ni thei se a ti a ni.

Thingdawl Rural Haat hi March 2024 ah Sanction niin project estimate zawng zawng hi nuai 18 a ni a, NABARD atangin tanpuina Nuai 15 pek niin, a bak hi MGNREGS, BDO Thingdawl leh Agency atanga hmuh a ni bawk.

